



ESTATUTUAK

AURKIBIDEA

Aurrekariak	04
--------------------------	----

I. Izenburua: Xedapen Orokorrak

1. Artikulua- Izendapena	04
2. Artikulua- Legezko Xedapenak	04
3. Artikulua- Egoitza soziala.....	04
4. Artikulua- Iraupena eta Lurralde Eremua	04
5. Artikulua- Helburua	05
6. Artikulua- Xedeak	05
7. Artikulua- Elkarlana	05
8. Artikulua- Federatuak.....	05
9. Artikulua- Jarduerak	06
10. Artikulua- Antzeko Jarduerak	06

II. Izenburua: Gobernu, Administrazio eta Ordezkaritza Organoak

11. Artikulua- Gobernu Organoak	07
---------------------------------------	----

I. Atalburua. Batzar Nagusia

12. Artikulua- Batzar Nagusia	07
13. Artikulua- Hautaketa.....	07
14. Artikulua- Eraketa	08
15. Artikulua- Ordezkaritza	08
16. Artikulua- Ordezkapen Baldintzak	08
17. Artikulua- Batzar Nagusi motak	09
18. Artikulua- Deialdiak	09
19. Artikulua- Gai Zerrenda	10
20. Artikulua- Baliotasuna	10
21. Artikulua- Bozketak	10

II. Atalburua. Zuzendaritza Batzordea

22. Artikulua- Definizioa	10
23. Artikulua- Eraketa	10
24. Artikulua- Hautaketa	11
25. Artikulua- Bileretarako Deialdiak	11
26. Artikulua- Bileren Baliotasuna	11
27. Artikulua- Funtzioak.....	11
28. Artikulua- Kargu-uztea	12
29. Artikulua- Zentsura-mozioa	12
30. Artikulua- Kargu-uzteagatik Hauteskunde Batzordera Deialdia.....	13
31. Artikulua- Idazkaria	13



32. Artikulua- Diruzaina	13
--------------------------------	----

III. Atalburua. Lehendakaria

33. Artikulua- Funtzioak	13
34. Artikulua- Izendatzea	14

IV. Atalburua. Xedapen Orokorrak

35. Artikulua- Funtzioen iraupena	14
36. Artikulua- Akordioen Baliotasuna.....	14
37. Artikulua- Kideen Baldintzak	14
38. Artikulua- Aktak	14

III. Izenburua: Kirol Estamentuak

39. Artikulua- Eraketa	15
40. Artikulua- Eskubideak.....	15
41. Artikulua- Betebeharrak	15

I. Atalburua. Elkarte eta Kirol Taldeak

42. Artikulua- Definizioa	16
43. Artikulua- Betebeharrak	16
44. Artikulua- BIZKAIKO MENDIZALE FEDERAZIO.an Afiliatzea	16
45. Artikulua- Baja	16

II. Atalburua. Mendizaleak

46. Artikulua- Eraketa	17
47. Artikulua- Baldintzak	17
48. Artikulua- Federazio Lizentziaren igorpena.....	17
49. Artikulua- Mediku-azterketa	17

III. Atalburua. Teknikari eta Epaileak

50. Artikulua- Eraketa	17
------------------------------	----

IV. Izenburua: Hauteskunde-legedia

51. Artikulua- Jarraibidea.....	18
52. Artikulua- Hauteskunde Batzordearen Eraketa	18
53. Artikulua- Hautaketa	18
54. Artikulua- Hauteskunde Prozesurako Deialdia eta Iraupena	18
55. Artikulua- Funtzioak.....	19
56. Artikulua- Hauteskunde-mahaia.....	19
57. Artikulua- Hauteskunde-mahaiaren Funtzioak	19
58. Artikulua- Bestelako Gaiak	19



V. Izenburua: Ekonomia eta Finantza legedia

59. Artikulua- Ondare.....	20
60. Artikulua- Sarrerak.....	20
61. Artikulua- Bestelakoak	20
62. Artikulua- Aurrekontu Ekonomikoa	20
63. Artikulua- Balantze Ekonomikoa.....	21
64. Artikulua- Funts-Erabilera.....	21
65. Artikulua- Ikuskaritza.....	21

VI. Izenburua: Dokumentazio Erregimena

66. Artikulua- Dokumentazioa.....	21
-----------------------------------	----

VII. Izenburua: Estatutuan Aldaketak

67. Artikulua- Aldaketa	22
-------------------------------	----

VIII. Izenburua: Federazioaren desagertze eta Likidazioa

68. Artikulua- Desagertzea.....	22
69. Artikulua- Likidazioa	22

Xedapen Gehigarria.....	23
--------------------------------	-----------



AURREKARIAK

1924ko maiatzaren 18an Elgetan (Gipuzkoa), Araba, Bizkaia, Nafarroa eta Gipuzkoako Mendi elkarteek bultzatuta, Eusko-Nafar Alpinismo Federazioa sortu zen, Bilbon egoitza duena.

1941. urtean, guda zibilaren ondoren, F.E.M.eko Eusko-Nafar ordezkariak, Bilbon egoitza duena, sortzen da.

1967. urtean, Eusko-Nafar Federazioa sortzean, Bizkaian haren ordezkariak bat ezarri zen eta Bizkaiko Klubek BIZKAIKO MENDIZALE FEDERAZIOA sortzeko prozesua hasten dute.

1985. urtean, Eusko Jaurlaritzaren 276/1984 kiroleko legearen itzalpean, Bizkaiko Klubek BIZKAIKO MENDIZALE FEDERAZIOAREN fundazio akta egin eta eragitzen dute, agerkari publikoko agiriaz, eta 35. zenbakiarekin, Euskal Herriko euskal federazio eta elkarten erregistroko inskripzio liburuan inskribatzen da.

I. IZENBURUA: XEDAPEN OROKORRAK

1. ARTIKULUA

BIZKAIKO MENDIZALE FEDERAZIOA, bere baitan eta lankidetzaren erregimenean, elkarteak, kirol taldeak eta mendi-kirola praktikatzeko kirolariak batzen dituen nortasun juridiko eta jarduteko gaitasuna duen irabazi asmorik gabeko erakunde pribatua da.

2. ARTIKULUA

BIZKAIKO MENDIZALE FEDERAZIOAK lege-arau hauek ditu gidari: 1998ko ekainaren 11ko 14/1998 Legea, Euskadiko kirol eta turismoarena; 2006ko urtarrilaren 31ko 16/2006 Dekretua, Euskadiko kirol federazioena; Legea garatzen duten gainerako xedapenak; estatutu hauek; berariaz prestatutako araudiak; eta bere organoek baliotasunez hartutako erabakiak.

3. ARTIKULUA

BIZKAIKO MENDIZALE FEDERAZIOAK bere egoitza Bilbon du, Iparragirre kaleko 46 zki.ko 5. pisuako 1 atean; egoitza hori lekuz alda liteke Batzar Nagusiak hala erabakitzen bada.

4. ARTIKULUA

1. BIZKAIKO MENDIZALE FEDERAZIOAREN iraupena mugarik gabea da.

2. Lurralde eremua, Bizkaiko Lurralde Historikora hedatu da.



5. ARTIKULUA

BIZKAIKO MENDIZALE FEDERAZIOa, Mendi-kirol txapelketa eta jarduera ofizialak bultzatu, ahalmenu eta antolatzeke eratua dago.

6. ARTIKULUA

BIZKAIKO MENDIZALE FEDERAZIOA, dituen helburuak betetzeko, ondorengo funtzioak burutuko ditu:

- a) Bere lurraldetasunean, mendizaletasunarekin zerikusia duten kirol jarduerak antolatu.
- b) Bizkaiko lurralde historikoan, mendi kirol jarduera eta lehiaketa ofizialak antolatu.
- c) Partehartze eta kompetentzi araudi propioak finkatu, baina erabili behar izatekotan, lurralde eremu handiagoko federazioek ebatziriko legeak ezartzeko aurreiritzirik izan gabe.
- d) Mendi kirolaren federazio lizentziak tramitatu, hauek Euskal Mendi Federazioak igorri ditzan, beronek ezarritako baldintza eta prozedurarekin bat etorritz.
- e) Beren jardueratan sortu daitezkeen kirol gatazkak ezagutu eta irtenbidea aurkitu.
- f) Beren arauak betetzeaz arduratu eta diziplina ahalmena gauzatu, berau moldatuz.
- g) Debekatutako sustantzia farmakologiako zein kirolak arautu gabeko metodoen erabileraren kontrol, prebentzio eta errepresioan, hauei dagozkien zehaztu beharreko araudiari jarraiki, EUSKAL MENDIZALE FEDERAZIOarekin kolaboratu.
- h) Modalitate ezberdin bakoitzerako tekniko eta epaileen formazioan, Euskal Mendizale Federazioarekin kolaboratu.
- i) Baliabide ekonomiko propioen norakoa eta esleipena finkatu, beste entitate batzuk jardueraren garapenerako transferitutakoa kudeatu eta baliabide guztien erabilera egokia egiaztatu.
- j) Federazioko kide diren klub eta atxikita dauden kirol elkarteei diru laguntzak eman eta zertarako erabiltzen diren kontrolatu.
- k) Euskadiko administrazioekin elkarlanean aritu, hauek kirol sustapenerako dituzten helburuetan, batez ere 14/1998 legeak zuzenki federazioei egozten dien lankidetzan eta aholkatze funtzioetan.
- l) Bere Estatutu eta kirol araudiak landu.
- m) Mendian ingurumena babestu eta hobetzeaz arduratu.
- n) Eta, oro har, mendizaletasuna sustatzeko eta hobetzeko egoki deritzona egingo du, eta kirol arloan eskumena duen foru erakundeak ematen dizkion administrazio lanak egin.

7. ARTIKULUA

BIZKAIKO MENDIZALE FEDERAZIOAk bere funtzioak, Bizkaiko Lurralde Historikoko administrazioarekin, Euskadiko Autonomi erkidegokoarekin eta EUSKAL MENDIZALE FEDERAZIOAREKIN koordinazioan landu eta burutuko ditu.

8. ARTIKULUA

BIZKAIKO MENDIZALE FEDERAZIOaren baitan ez da inor bere arraza, sexu, erlijio, iritzi, sinismenen edo beste edozein baldintza pertsonal zein sozialengatik baztertuko.



9. ARTIKULUA

Mendizaletasunaren kirolak ondokoak batzen ditu bere baitan:

- a) Goi, ertain zein mendi baxuetan eta modalitate edo konbinazio guztietan (kirol arloan, turistikoan, ingurugiro natural, kultural eta zientifikoan), txango eta zeharkaldiak.
- b) Instalazio komertzialetatik kanpoko, helburu alpinistiko edo mendizalea helburu kanpaldiak.
- c) Amildegi, kanoi-ganga eta haitzarteetan eta modalitate edo konbinazio guztietan (kirol arloan, turistikoan, ingurugiro natural, kultural eta zientifikoan), jaitsiera, txango eta ibilaldiak.
- d) Alpinismoa modalitate edo konbinazio guztietan (eskiekin, goi mendia urtaro guztietan, espedizioak, trekkingak, etab.)
- e) Mendi edo zeharkaldiko eskia.
- f) Elur erraketekin zeharkaldi edo ibilaldiak.
- g) Mendi - ibilaldiak (arau internazionalekin bat datozen homologatutako ibilbideak, tipologia guztietakoak); ibilbide edo bidezidorren zabalkunde, mantenu, exekuzio eta proiektuak burutzeko beharrezko diren jarduerak barne hartuz.
- h) Eskalada, modalitate eta konbinazio guztietan (harkaitz-eskalada, izotz-eskalada, kirol-eskalada, hiri-eskalada, etab.)
- i) Mendizale eta alpinistek erabili ohi dituzten material eta teknikak eskatzen dituzten eskalada frogak, modalitate ezberdinetan (lehiaketetan, aire librean eta instalazio itxietan), lehiaketazko mendi eski frogak, mendi lasterketa frogak, elur erraketa frogak, lehiaketazko mendi snow frogak, mendian ibilaldi neurtuak eta edozein zirkuitu edo zeharkalditako frogak.
- j) Mendi zein eskalada kirolekin zerikusia duten kirol ikuskizunak.
- k) Mendi Orientazioa modalitate guztietan (oinez, bizikletan, eskietan, e.a.)
- l) Espeleologia.

10. ARTIKULUA

Mendi kirolaren antzeko jarduera gisa hartuko dira, kultur ikuspuntutik eta ikuspuntu zibikotik osagarri direnak. Esate baterako, ondorengoak:

- a) Mendi kirolarekin zerikusia duten eta mediku aspektuei erreferentzia egiten dien jarduera, lan, ikasketa eta ikerketak.
- b) Inguru naturalaren defentsa zein babeserako eta lurra, fauna, flora eta ondare natural, paisajistako zein arkitektonikora zuzenduriko jarduera eta lanak.
- c) Mendi kirolaren aspektu zientifiko eta humanistikoekin erlazionatutako ikasketa, lan, erakusketa, proiektzio, kongresu, jardunaldi lehiaketa eta ikastaroak.
- d) Mendi kirolaren informazio hoberako zein garapenerako liburu, mapa, gida, monografia eta aldizkariak egin eta argitaratu.
- e) "Kirol turismoaren" garapenerako jarduera eta lanak, oinezko edo ibilbide turismoaren ikerketa eta plangintzekin.



II. IZENBURUA:
GOBERNU, ADMINISTRAZIO
ETA ORDEZKARITZA ORGANOAK

11. ARTIKULUA

BIZKAIKO MENDIZALE FEDERAZIOan ondorengo gobernu, administrazio eta ordezkari organoak egongo dira:

- a) Batzar Nagusia deituriko gobernu organoa.
- b) Zuzendaritza Batzordea deituriko kide anitzeko administrazio organoa.
- c) Titularra BIZKAIKO MENDIZALE FEDERAZIOko Lehendakaria izango duen ordezkari organoa.

I. ATALA
BATZAR NAGUSIA

12. ARTIKULUA

Batzar Nagusia elkartean zein kirol taldeen, mendizaleen, teknikarien eta epaileen estamentuek, euren kompetentziakoak diren gaiak eztabaidatu eta akordioak hartzeko eraturako organo soziala da eta, gutxienez, ondorengo funtzioak betetzeko aukera izango du:

- a) Zuzendaritza Batzordea eta lehendakaria hautatzea.
- b) BIZKAIKO MENDIZALE FEDERAZIOko kontu eta aurrekontuak onartu.
- c) Estatutuak aldatu eta BIZKAIKO MENDIZALE FEDERAZIOaren desagertzea erabaki.
- d) Zuzendaritza Batzordearen gaitzespen mozioa onartu.
- e) BIZKAIKO MENDIZALE FEDERAZIOko jardueren egitarau ofiziala onartu.
- f) BIZKAIKO MENDIZALE FEDERAZIOko jarduera plana onartu.
- g) BIZKAIKO MENDIZALE FEDERAZIOko arauak onartu.
- h) Klub berrien onarpenak egin. Klub berrien onarpen arauak onetsi.
- i) Estatutuon V. Izenburuan ezarritakoaren arabera, ondasun higiezinak eskura eduki, besterendu eta grabatu, diru laguntzak itundu eta zor tituluak edo ondare kuota parteak igorri.
- j) Estatutu hauen arabera beste estamentu bati ez dagokion beste edozein egiteko.

13. ARTIKULUA

Batzar Nagusia lau urtetik behin eta Estatutuotan ezarritakoarekin bat etorritik, boto eskubidea duten BIZKAIKO MENDIZALE FEDERAZIOko estamentuetako kideek libreki, zuzenean, berdintasunez eta isilpekoa izango den boto bitartez aukeratuko dute.

Dena den, hauteskundeok, udaran burutzen diren joko olinpikoen ospakizunen urte beretan gauzatuko dira.



14. ARTIKULUA

1. BIZKAIKO MENDIZALE FEDERAZIOko Batzar Nagusia, 15. artikuluan adierazten diren BIZKAIKO MENDIZALE FEDERAZIOko Estamentuen ordezkariak osatzen dute.
2. Berau osatzen duten ordezkarien kopurua ezingo da 200 kide baino gehiagokoa izan.

15. ARTIKULUA

Batzar Nagusia, Elkarteetako zein Kirol Taldeetako Estamentuetako ordezkariak, Mendizaleen ordezkariak eta Teknikari zein Epaileen ordezkariak, ondoren agertzen den portzioetan banatuta, osatuko dute.

- a) Batzar Nagusiaren partaidetza osoa finkatuko duen biltzarkideen %90a, Elkarteetako zein Kirol Taldeetako Estamentuetako ordezkariak osatuko dute.
- b) Kideen %5a, Mendizaleen Estamentuak osatuko du.
- c) Kideen % 5eko ordezkariak, Teknikari zein Epaileen ordezkariak izango dute.

16. ARTIKULUA

1. Elkarte eta kirol taldeak, Biltzarrean ordezkariak izan dezaten, ondorengo baldintzak bete beharko dituzte.

- a) Eusko Jaurlaritzaren Kirol Elkarte eta Federazioen erregistroan izen emanda egon.
- b) BIZKAIKO MENDIZALE FEDERAZIOari atxikita egon.
- c) Gutxienez 15 federatu izan.
- d) Dagokion denbaldian eta aurrekoan mendi jardueraren bat burutu izana.

2. Aurreko puntuan jasotako baldintzak betetzen dituzten klub eta kirol elkarteak ordezkari bat eta boto bat edukiko dituzte, entitate bakoitzerako eta gainera haien tamainaren arabera ordezkariak egongo dira:

15 federatu baino gutxiago: 0 boto
16 eta 50 federatu artean: boto 1
51 eta 100 federatu artean: 2 boto
101 eta 200 federatu artean: 3 boto
201 eta 300 federatu artean: 4 boto
301 eta 500 federatu artean: 5 boto
500 eta 750 federatu artean: 6 boto
751 eta 1500 federatu artean: 7 boto
1500 federatu baino gehiago: 8 boto

3. Batzar Nagusian mendizaleen ordezkari izango direnak hauteskundeak egiten direnean eta aurreko urtean lizentzia indarrean izan eta hamasei urte baino gehiago dauzkatenek hautatuko dituzte, hamazortzi urtez gorakoen artean. Gainera, federazioaren lizentzia eduki beharko dute batzarkide diren bitartean.

4. Batzar Nagusian teknikari eta epaileen ordezkari izango direnak hautatzeko edo hautatuak izateko teknikari eta epaileok federazioaren lizentzia indarrean eduki beharko da



hauteskundeak egiten diren urtean eta aurrekoan. Gainera, federazioaren lizentzia eduki beharko dute batzarkide diren bitartean.

5. Aukeratuak izan diren denbora tartarako Batzar Nagusiko kideen artean bajaren bat suertatuz, hauen ordezkapena, Estamentu bakoitzeko asken Batzar Nagusirako hauteskundeetan ordezkoen listatan lehenengo geratutakoek beteko dute, hauteskunde arautegiak honetarako ezarritako prozedurarekin bat etorritik.

17. ARTIKULUA

1. Batzar Nagusia, ohiko bilkura zein bilkura berezietan batuko da.

2. Batzar Nagusia ohiko bilkuratan kontu eta aurrekontuen egoera, jarduera plana, jardueren egitarau ofiziala zein bere beste eskumen gaiak (ondorengo paragrafoan aipatzen direnak izan ezik) onartzeko, gutxienez urtean behin eta lehenengo seihilekoaren barruan batuko da.

3. Batzar Nagusia ez ohiko bilkuran ondorengo gaiak jorratzeko batuko da:

- a) Hauteskundeak egitea.
- b) Lehendakari eta/edo Zuzendaritza Batzorderako gaitzespen-zentsura.
- c) Estatutu eta araudi aldaketak.
- d) BIZKAIKO MENDIZALE FEDERAZIOaren desagertzea.

18. ARTIKULUA

1. Arrunt Batzar Nagusirako deialdia egitea berez Federazioko lehendakariari dagokio, edo Zuzendaritza Batzordeak edo Batzar Nagusiko %5ak hala eskatuta.

Hau ez balitz posible izango edo eta lehendakariak ez balu Batzar Nagusira deitzeko bere betebeharra beteko Zuzendaritza Batzordeak zein biltzarkideen arteko %5 ordezkatu duen talde batek, deialdia luzatu dezake.

2. Ezohiko Batzar Nagusiak deitzea BIZKAIKO MENDIZALE FEDERAZIOko lehendakariari dagokio berez, edo Zuzendaritza Batzordeak zein Batzar Nagusiko kideen % 5ak hala eskatu duelako.

Hau ez balitz posible izango edo eta lehendakariak ez balu Batzar Nagusira deitzeko bere betebeharra beteko, Zuzendaritza Batzordeak zein biltzarkideen arteko %5 ordezkatu duen talde batek, deialdia luzatu dezake.

3. Zuzendariak Biltzarrerako deialdia, asko jota, honetarako eskubidea duten organo edo erakundeen eskaera jaso ondorengo, 15 egunen buruan bete beharko du. Deialdiko datatik Biltzarrera, egutegiko 30 egun baino gehiago ezin dira igaro.

4. Ohiko bilkura zein bilkura berezirako Batzar Nagusirako deialdia eta eguneratutako datuak, Biltzarkideei gutxienez 15 eguneko aurrerapenez, bidaliko zaie.



19. ARTIKULUA

1. Biltzarkideek lehendakariari, jakinarazpena burutu ondorengo 8 egunetako epean, interesgarri deritzen gaiak, gai-zerrendan sartzea eskatu diezaiokete. Eskaerok, gutxienez biltzarkideen %5ak luzatuz gero, gai-zerrendan sartuko dira.
2. Gairen bat Gai-zerrendan ez sartzearen arrazoiak, eskaera luzatu duenari argitu eta jakinarazi beharko zaizkio.

20. ARTIKULUA

1. Batzar Nagusia, lehen deialdian, biltzarkideen erdiak gehi pertsona bat gehiagok parte hartzen duenean, balioski eratuta geratuko da. Bigarren deialdian ostera, nahikoa izango da biltzarkideen edozein kopuru agertuta.
2. Batzar Nagusi barruan, ez da boto-ordezkatzerik onartuko.

21. ARTIKULUA

1. Biltzarkideen %5ak gutxienez hala eskatuz gero, Batzar Nagusian burutuko diren bozketak isilpekoak izango dira, egondako botoen osoko %25 gutxienez ordezkatzen badute.
2. BIZKAIKO MENDIZALE FEDERAZIOko Lehendakariak Batzar Nagusia gai larriren batengatik soilik botako du atzera. Gertaeron arrazoiak eta deialdi berrirako eguna aktan jasoko ditu eta batzarrera gerturatutakoei jakinaraziko zaie.

II. ATALA **ZUZENDARITZA BATZORDEA**

22. ARTIKULUA

Zuzendaritza Batzordea BIZKAIKO MENDIZALE FEDERAZIOko administrazio organoa da eta Batzar Nagusiko gidaritzaren arabera garatu beharreko BIZKAIKO MENDIZALE FEDERAZIOko gaien administrazio eta ekonomia kudeaketa funtzioak bete beharko ditu.

23. ARTIKULUA

1. Zuzendaritza Batzordea ondorengoek osatuko dute:
 - a) Lehendakaria, zeina aldi berean BIZKAIKO MENDIZALE FEDERAZIOko lehendakari ere izango den.
 - b) Lehendakariordea, zeinek Lehendakariaren funtzioak beregain hartuko dituen hau egon ezean edo eta honek postua utziko balu.
 - c) Idazkaria.
 - d) Diruzaina.



e) Batzordekide bat edo gehiago, zeintzuk BIZKAIKO MENDIZALE FEDERAZIOaren funtzionamendu eta garapenerako eratu nahi diren batzordeen ardura izango duten. Batzar Nagusiak berretsi beharko dituzte.

2. Zuzendaritza Batzordeko kide diren baina Batzar Nagusikoak ez diren guztiek asken honetan parte hartu ahal izango dute eta ahots eskubidea izan arren ez dute botorik izango.

3. Urtarrilaren 31ko 16/2006 Dekretuaren, 116. artikuluan jasotzen diren aurreikusitako kasuen arabera, Zuzendaritza Batzordeko partaide direnek ezingo dute beste karguren baten parte hartu ahal izango.

24. ARTIKULUA

Zuzendaritza Batzordea, behin Batzar Nagusia berriztatuta eta lau urtean behin, Biltzarkideek emandako gehiengo botoen arabera, libreki, berdintasunez, zuzenean eta isilpeko botoz aukeratuko da. Honetarako, aukeratu beharreko lehendakariak burutuko duen zerrenda itxien bidez osatutako hautagaien aurretiko aurkezpen eta onarpena egingo da.

25. ARTIKULUA

1. BIZKAIKO MENDIZALE FEDERAZIOko Lehendakariari dagokio eta bestela Zuzendaritza Batzordeko %25ari, Zuzendaritza Batzorde bertarako deialdia burutzea.

2. Deialdiarekin batera, eguneko egitaraua, jorratuko diren gaiak eta hauei dagozkien agiriak bidaliko dira.

3. Asken orduko justifikatutako arazo larrien kasuan izan ezik, Zuzendaritzako kideak gutxienez bi eguneko aurrerapenez jarriko dira jakinaren gainean.

4. Naiz eta aurrez deialdirik izan ez, kide guztiak parte hartu eta aho-batez hala erabakiz gero, eratua izango da.

26. ARTIKULUA

1. Zuzendaritza Batzordea balioski eratua geratuko da, lehen deialdira kideen erdiak gehi bat gehiago agertuko direnean eta, bigarren deialdira gutxienez kideen %25a agertuko direnean; eta beti ere, BIZKAIKO MENDIZALE FEDERAZIOko Lehendakaria edo Lehendakariordea ere agertuko direnean.

2. BIZKAIKO MENDIZALE FEDERAZIOko Lehendakaria edo, honek ezinean Lehendakariordea, Zuzendaritza Batzordeko mahai-buru izango da eta jardunaldiok zuzendu eta koordinatuko ditu.

27. ARTIKULUA

Zuzendaritza Batzordearen eginkizunak dira ondokoak:

a) Kluben alten eta bajen berri jakin, eta Batzar Nagusiari jakinarazi hala dagokionean.



- b) BIZKAIKO MENDIZALE FEDERAZIOaren menpe dauden batzorde eta erakundeen akordioak ezagutu eta onartu, edo atzera bota, hala dagokionean, Batzar Nagusiarenak eta Kirol Diziplina Batzordearenak izan ezik.
- c) BIZKAIKO MENDIZALE FEDERAZIOaren diru baliabideak administratu. Horretarako, diruzaintza kredituak eskatu ahal izango ditu, batzarkideen 2/3en baimenarekin (16/2006 Dekretuaren 138 artikulua, 1. puntua, b atala), Bizkaiko Foru Aldundiaren diru-laguntzen aurrerakin gisa, eta urtebete baino gutxiagoko iraupenarekin.
- d) Batzar Nagusian hartutako erabakiak aurrera eramane eta betetzen direla ziurtatu.
- e) Diziplina-araubidea arduratzen den isunen aurrera eramatea.
- f) BIZKAIKO MENDIZALE FEDERAZIOari dagozkion gaien kudeaketan eta zuzendaritzan, Lehendakariari lagundu.
- g) Kirol batzorde eta erakunde ezberdinetan BIZKAIKO MENDIZALE FEDERAZIOa ordezkatu.
- h) Batzar Nagusiari, bere ezagutzarako, dagozkion gaiak aurkeztu.
- i) Batzar Nagusiaren gai zerrenda landu eta finkatu.
- j) Batzar Nagusiari espresuki ez dagozkion gaitasun guztiak burutu.

28. ARTIKULUA

1. Zuzendaritza Batzordeak zein Lehendakariak, ondorengo gaiengatik utziko dute beren postua:

- a) Kideen %50a baino gehiagoren dimisio edo heriotzagatik.
- b) Ondorengo artikuluan aurreikusitako zentsura-mozioaren onarpenagatik.
- c) Kideen %50a baino gehiagoren ezintasun edo gaitasun ezagatik.
- d) Estatutuetan aurreikusitako beste arrazoiengatik.

2. Zuzendaritza Batzordeko kideek, aurreko puntuko a), c) eta d) ataletan aipaturiko arrazoi berberengatik, indibidualki utziko dute kargua.

3. Zuzendaritza Batzordeko kideetatik batek edo gehiagok kargua utziz gero, Zuzendaritza Batzordeak berak ordezkoak izendatu ahalko ditu, hauek ospatuko den lehen Batzar Nagusian berretsi beharko direlarik.

29. ARTIKULUA

1. Batzar Nagusiak Lehendakariaren edo Zuzendaritza Batzordearen erantzukizuna eska dezake zentsura mozio baten bitartez, baina mozio hori bertaratu diren Batzar Nagusiko kideen gehiengo osoak babestu beharko du, berariaz deitutako batzarraldi batean.

2. Zentsura mozioa onartzeak berarekin ekarriko du Zuzendaritza Batzordeko kide guztiek beren karguak uztea.

3. Zentsura mozioa, arrazoitua eta ziotua, idatziz aurkeztuko zaio lehendakariari, eta hark ezohiko batzar nagusia deitu beharko du, hamabost eguneko epean, idatzi jasotzen duenetik kontatzen hasita. Batzarrean gai hori izango da aztergai bakarra. Deialdia egiten denetik batzarra egin bitartean ez dira hogeita hamar egutegiko egun baino gehiago igaroko.



30. ARTIKULUA

1. Zuzendaritza Batzordeak kargua uztean, gehienez hilabeteko epe barruan Hauteskunde Batzordea deituko du, honela hauteskunde prozesuari hasera eman diezaion.
2. Hau posible izan ezean, BIZKAIKO MENDIZALE FEDERAZIOko Batzar Nagusiko kide den edozein erakundetako, beronen ordezkaritza osatzen dutenen gutxienez %5ak, Hauteskunde Batzordea deitu ahal izango du.

31. ARTIKULUA

1. Zuzendaritza Batzordeko Idazkaria, BIZKAIKO MENDIZALE FEDERAZIOko bera izango da eta gutxienez bere gain ondorengo funtzioak izango ditu:
 - a) BIZKAIKO MENDIZALE FEDERAZIOko Zuzendaritza Batzordeak eta Batzar Nagusiak izaten dituzten bileretako akta jaso.
 - b) Akta liburuaren eta kirol Estamentuen liburuaren zaintza.
 - c) Aipaturiko liburuetako edukiei buruzko ziurtagiriak egin.
2. Idazkariaren lana ordaindua izan daiteke; kasu honetan kontuan hartuta BIZKAIKO MENDIZALE FEDERAZIOko lanean dihardutenetarikoa litzatekeela, Langileriaren Estatutuek zein indarrean dagoen arau sozialek langileriari buruz diotena ezarriko litzaioke.

Kasu honetan, Idazkariak zuzenean Zuzendaritza Batzordeko kide izateari utzi eta organo teknikari izatera pasako litzateke; horrela bere hitza kontuan hartuz baina bozketarako eskubiderik gabe ordezkaritza eta gobernu organoen bileretan parte hartuko du.

32. ARTIKULUA

BIZKAIKO MENDIZALE FEDERAZIOko diruzainak, gutxienez, ondorengo funtzioak izango ditu bere gain:

- a) BIZKAIKO MENDIZALE FEDERAZIOko orden ekonomikoko kontu eta ariketak zuzendu.
- b) BIZKAIKO MENDIZALE FEDERAZIOko kontabilitate liburuak begiratu eta zaindu.
- c) Beharrezko kontabilitate agiri guztiak prestatu, batez ere urteko aurrekontuen zirriborroa eta ariketa bakoitzaren balantzea, ondoren Batzar Nagusiak onar dezan.

III. ATALA **LEHENDAKARIA**

33. ARTIKULUA

1. BIZKAIKO MENDIZALE FEDERAZIOko lehendakariak haren legezko ordezkaritza hartzen du bere gain eta Batzar Nagusiak nahiz Zuzendaritza Batzordeak hartutako erabakiak bete beharko ditu. Halaber, bataren eta bestearen batzarretan buru izango da, eta berdinketa kasuetan kalitatezko botoa erabili ahal izango du.



34. ARTIKULUA

1. BIZKAIKO MENDIZALE FEDERAZIOko Lehendakaria izango da aukeratua suertatu de hautagai-zerrendako buru joan dena.
2. Lehendakariak postua utziko balu, Lehendakariordeak ordezkatu luke.

IV. ATALA **XEDAPEN OROKORRAK**

35. ARTIKULUA

Honako Estatutueta 11. artikuluan ageri diren organoetako kide guztiak, beren eginbeharrekin jarraituko dute euren ordezkoez postua hartu bitartean.

36. ARTIKULUA

BIZKAIKO MENDIZALE FEDERAZIOko kide anitzeko organoen akordio guztiak, bertan dauden kideen gehiengo soilez hartuko dira, salbu eta legezko xedapenek edo xedapen estatutarioek gehiengo kualifikatua aurreikusten dutenean.

37. ARTIKULUA

BIZKAIKO MENDIZALE FEDERAZIOren Batzar Nagusiko edo Zuzendaritza Batzordeko kide edo lehendakari izateko baldintza hauek bete behar dira:

- a) Aurtengo eta joan den urteko Euskal Mendizale Federazioaren lizentzia izatea.
- b) Adin nagusikoa izatea.
- c) Kirol izaera duen diziplinazko zigor irmoaren bidez ezgaitua ez izatea.
- d) Kargu Publikoetan aritzeko gaitasunik gabe utzi dezakeen epai irmo bitartez zigortua ez izatea.
- e) Epai irmo baten bitartez ezgaitzat joa ez izatea.

38. ARTIKULUA

1. Idazkaria, federaturiko organoen artean hartutako erabaki guztiak aktan jasoko ditu; bertan, gutxienez, parte hartu dutenen izenak, bilera burutu den leku eta denbora egoeraren berri, eztabaida gai izandako puntu nagusiak, bozketa modu zein emaitzak eta akordioaren edukiak jasoko dira.
2. Arrazoituta diren hartutako erabakiaren kontrako botoak, kide anitzeko organoaren erabakietatik eratorritako arduetatik at geratuko dira.



III. IZENBURUA: KIROL ESTAMENTUAK

39. ARTIKULUA

1. BIZKAIKO MENDIZALE FEDERAZIOa, Mendizale, Teknikari eta Epaileen Estamentuek osatzen dute; guztiak, dagozkien BIZKAIKO MENDIZALE FEDERAZIOaren lizentzien titularrak eta Elkarte eta Kirol Taldeen kasuan BIZKAIKO MENDIZALE FEDERAZIOri atxikita egonik.

2. Federazio lizentziak, titularrari, BIZKAIKO MENDIZALE FEDERAZIOko zein Euskal Mendizale Federazioko kide integratu egoera emango dio; eta jarduera ofizialetan parte hartzeko gaituko du, beti ere jarduera bakoitzak eskatzen duen arauak kontuan izanik.

40. ARTIKULUA

Estamentua osatzen dutenen eskubideak ondorengoak dira:

- a) BIZKAIKO MENDIZALE FEDERAZIOak eta Euskal Mendizale Federazioak antolatzen dituzten jarduera ezberdinetan parte hartzeko aukera.
- b) Federazio arauak bete daitezen eskatzeko aginpidedun Federazio organoetara jotzeko aukera.
- c) Estatutuok eta araudi aplikagarriak ezartzen duenaren arabera, BIZKAIKO MENDIZALE FEDERAZIOko gobernu eta administrazio organoak ordezkatu izatea eta baita bertako parte hartzaile izatea ere.
- d) BIZKAIKO MENDIZALE FEDERAZIOko jardueren informazioa jaso eta dagoen dokumentazioa aztertu.
- e) Mendi aterpetxe ofizialak lehentasunez erabili.
- f) Dirulaguntza publiko zein pribatu posibleak jasotzeko aukera eta aurrera eramandako jarduerengatik onespenez ofiziala izan.

41. ARTIKULUA

Estamentuetako kideek ondorengo betebeharrak izango dituzte:

- a) BIZKAIKO MENDIZALE FEDERAZIOaren helburuen lorpenean aktiboki parte hartu.
- b) Deituak diren BIZKAIKO MENDIZALE FEDERAZIOko Batzar Nagusietan parte hartu eta Federazio organoek hartutako erabakiak bete.
- c) Bakoitzak daukan karguari dagozkion betebeharrak leialki bete.
- d) Ezarritako kuotak ordaindu.
- e) Ingurumena zaindu, babestu eta hobetu.
- f) Mendizaletasun etika errespetatuz jardun.



I. ATALA **ELKARTE ETA KIROL TALDEAK**

42. ARTIKULUA

Klubak edo kirol elkarteak dira indarrean dauden kirol araudiak betez eratzen diren kirol elkarte guztiak, eta mendizaletasuneko edozein jarduera sustatzea edo gauzatzea helburu dutenak. Kluba BIZKAIKO MENDIZALE FEDERAZIOko eta Euskal Mendizale Federazioko kide izango da, haien babesak jaso dezan. BIZKAIKO MENDIZALE FEDERAZIOan kide eginez gero automatikoki egiten da Euskal Mendizale Federazioko kide, denbora-muga jakinik gabe, betiere indarrean dauden araudiek eta estatutu hauek jarritako baldintzak betetzen badira.

43. ARTIKULUA

Elkarte eta Kirol Taldeen betebeharrak dira, 41. Artikuluan estamentu guztientzako ezartzen direnez gain, ondoren aipatzen direnak:

- a) Euren bazkideen artean, Mendi-kirol jardueren praktika erraztu.
- b) Euren lurralde-eremuko biztanleen artean, Mendi-kirol jardueren praktika sustatu eta hedatu.
- c) BIZKAIKO MENDIZALE FEDERAZIOarekin elkarlanean, euren bazkideei federazio lizentziak bideratu.
- d) BIZKAIKO MENDIZALE FEDERAZIOa euren gobernu eta administrazio organoetako zein euren egoitza sozialaren, aldaketez jakinaren gainean jarri eta, hala eskatzen zaienean, euren jardueri buruzko informazioa luzatu.
- e) Mendian euren bazkideek segurtasun eta sorospen arauak bete ditzatela zaindu.

44. ARTIKULUA

Elkarte eta Kirol Taldeek, BIZKAIKO MENDIZALE FEDERAZIOko kide izan daitezen, ondorengoak bete beharko dituzte:

- a) Euskadiko Kirol Entitateen Erregistroan izena eman, mendizaletasunaren barruan.
- b) BIZKAIKO MENDIZALE FEDERAZIOari bere kidetza idatziz eskatu eta honek eskatutako baldintzak bete.

45. ARTIKULUA

BIZKAIKO MENDIZALE FEDERAZIOren kide den Elkarte edo Kirol talderen batek, Federazioa ondorengo arrazoen arabera utzi ahal izango du:

- a) Elkarte edo Kirol taldeen euren erabakita, euren estatutuetan ezarritako akordioaren arabera.
- b) BIZKAIKO MENDIZALE FEDERAZIOko Batzar Nagusiak akordio bitartez eta Kirol Diziplina araudiari jarraiki, BIZKAIKO MENDIZALE FEDERAZIOko estatutu hauetan, Euskal Mendizale Federaziokoetan zein, Elkarte edo Kirol talde beraren Estatutuetan ageri diren euren betebeharren ez betetze larriagatik. hutsegite larri gisa, BIZKAIKO MENDIZALE FEDERAZIOko hiru ohiko Batzar Nagusitara jarraian eta justifikatu gabe ez agertzea ulertu ahal izango delarik.



- c) Bidezko arrazoirik gabe urte baten mendizalerik ez federatzeagatik, edo bi urte jaraian 6 baino gutxiago federatzeagatik.

II. ATALA **MENDIZALEAK**

46. ARTIKULUA

Aurtengo urtean Euskal Mendizale Federazioaren lizentzia duen oro, mendizale federatua izango da.

47. ARTIKULUA

1. BIZKAIKO MENDIZALE FEDERAZIOko parte izateko eta bertako partaide gisa, honek zein Euskal Mendizale Federazioa.k, antolatzen dituzten kirol zein bestelako jardunaldi ofizialetan parte hartzeko, beharrezkoa da federazioaren lizentzia edukitzea.

2. Federazioaren lizentzia, guztientzat bera izango da eta titularrari, BIZKAIKO MENDIZALE FEDERAZIOari bezala, Euskal Mendizale Federazio.ari ere atxikipena ekarriko dio.

48. ARTIKULUA

Federazioaren Lizentzia Euskal Mendizale Federazio.ak igorria izango da, aurrez honek ezarritako prozedura eta baldintzei jarraiki, BIZKAIKO MENDIZALE FEDERAZIOak tramitatuko duelarik.

49. ARTIKULUA

Mediku azterketa bat ezarriko da araudi bidez, federazio lizentziarekin batera doana. Azterketa hori nahitaezkoa izango da Bizkaiko Goi Mendi Eskolako partaide izateko, proba ofizial batzuetan izena emateko, eta diru-laguntzak eskatzeko edo mendiko espedizioak ofizialki aitortzeko.

III. ATALA **TEKNIKARI ETA EPAILEAK**

50. ARTIKULUA

1. Eskumena duten erakundeek igorritako titulua zein dagokien federazio lizentzia duten Bizkaiko Goi Mendi Eskola.ko irakasle, erakusle, begirale eta epaileak izango dira BIZKAIKO MENDIZALE FEDERAZIOko Teknikari.



2. Teknikariak Bizkaiko Goi Mendi Eskolan bilduko dira, non Teknikari mota bakoitzeko sail bana egongo den.

3. BIZKAIKO MENDIZALE FEDERAZIOak onartutako araudi baten bitartez Teknikari eta Epaille motak, hauen betebeharrak eta eurak izendatzeko beharrezko baldintzak zehaztuko dira.

IV. IZENBURUA: HAUTESKUNDE-LEGEDIA

51. ARTIKULUA

1998ko ekainaren 11ko Euskadiko Kirolaren legeak eta 16/2006 Dekretuaren VII. Izenburuak ezarritakoa eta berauek garatzeko onartzen diren arauak eta Estatutu hauek jasotakoa beteko du BIZKAIKO MENDIZALE FEDERAZIOren hauteskunde araudiak. Hauteskunde araudia, derrigorrez, Batzar Nagusiak onartu beharko du.

52. ARTIKULUA

1. BIZKAIKO MENDIZALE FEDERAZIOan, hiru kidek osatuko duten eta hauteskunde prozesua bultzatu zein bere garapen egokia zainduko duen Hauteskunde Batzordea egongo da.

2. Hauteskunde Batzordearen funtzioen jarduerak lau urteko iraupena izango du; Batzar Nagusiak kargutik kendu eta aipatu epea agortu aurretik beste Hauteskunde Batzorde berri bat izendatu ahal du.

53. ARTIKULUA

1. Hauteskunde Batzordeko kideak zein ordezkioak, Federazioko kideen artetik eta hauteskunde prozesuaren aurretik burutuko den Ohiko azken Bileran, Batzar Nagusiak aukeratu ditu.

2. Hauteskunde Batzordeko Lehendakari eta idazkari gisa, adinez nagusia eta gazteena direnek jardungo dute.

3. Hautagai aurkeztatutakoak, inondik inola ere, ezingo dira Hauteskunde Batzordeko kide izan. Izendatutako Hauteskunde Batzordekoren bat hautagai suertatuko balitz, horrek bere postua utzi eta horretarako aukeraturiko ordezkioak, ordezkatu beharko luke.

54. ARTIKULUA

1. Batzar Nagusia aukeratu ostetik lau urte igarotakoan, Zuzendaritza Batzordeak, Hauteskunde Batzordea bilerara deituko du, hauteskundeei hasera eman diezaioten.

2. Hau posible izan ezean, Federazioko Batzar Nagusiko kide den eta gutxienez, bertako %5a ordezkaturiko duen edozein erakundek, deitu ahal izango du Hauteskunde Batzordea.



3. Dena den, Federazioko hauteskunde prozesua, olinpiar urteko Azaroaren 30a baino lehen bukatu beharko da.

55. ARTIKULUA

1. Hauteskunde Batzordeak honako eginkizun hauek bete beharko ditu:

- a) Hauteskunde errolda eta hauteskunde egutegia onartu.
- b) Aurkezten diren hautagaiak aldarrikatzea eta argitaratzea.
- c) Hauteskunde-mahaia aukeratu.
- d) Hautagaiak aldarrikatu.
- e) Aurkezten diren inpugnazioak, erreklamazioak eta eskaerak ebaztea, bai eta Hauteskunde Mahaiaaren erabakien aurka jartzen diren errekursoak ere.
- f) Legeak interpretatzea eta sor litezkeen lege hutsuneak osatzea.
- g) Botoa emateko paper, kartazal, hautagaitzen inprimaki ofizialak eta abar onartzea.
- h) Hauteskundeak ospatzearekin eta bere ondorioekin zuzeneko zerikusia duen edozein arazo.

2. Hauteskunde Batzordearen erabakien aurka egin ahal izango da organo beraren aurrean lehen instantzian, eta Kirol Justiziako Euskadiko Batzordearen aurrean.

56. ARTIKULUA

Hauteskunde Batzordeak, hautagai izango ez direnen artean egingo duen zozketa bitartez, hiru kidez osatua egongo den Hauteskunde mahaia izendatuko du; eta baita beste horrenbeste ordezkoko ere, Lehendakari eta Idazkaria adinez nagusia eta gazteena izango direlarik.

57. ARTIKULUA

Hauteskunde mahaia honako funtzioak beteko ditu:

- a) Botazioek garapen zuzena izan dezaten zaindu.
- b) Botoa ematen dutenen nortasuna eta hauen hautesle izaera egiaztatu.
- c) Igorritako botoen baliagarritasuna baieztatu.
- d) Behin ekitaldia bukatuta, botoak zenbatu.
- e) Boto ematearekin zerikusia duen beste edozer gai ebatzi.

58. ARTIKULUA

Hauteskunde prozesuari dagozkion gainerako gaiak unean uneko hauteskunde prozesuetako Hauteskunde Araudien arabera arautuko dira; hori bai, BIZKAIKO MENDIZALE FEDERAZIOko Kirol Estamentuetako kide guztiak jakinaren gainean egotea eta federatuta egoteagatik haiek dauzkaten eskubideak bermatu egin beharko dira.



V. IZENBURUA: EKONOMIA ETA FINANTZA LEGEDIA

59. ARTIKULUA

1. BIZKAIKO MENDIZALE FEDERAZIOaren ondarea bere jabegoari dagokion ondasunez osatua egongo da.
2. Ondorengoak BIZKAIKO MENDIZALE FEDERAZIOaren ondasunak dira:
 - a) Federatuen kuotak.
 - b) Erakunde publikoek eman diezazkioketen dirulaguntzak.
 - c) Dohaintza, herentzia, ondare eta sariak.
 - d) Antolatu ohi dituen jarduera eta lehiaketek sortutako irabaziak.
 - e) Merkataritza jarduera, jarduera profesional edo buruturiko zerbitzuetatik eratorritako irabaziak.
 - f) Euren ondarearen fruituak eta ondarea besterentzetik edo zergapetzetik ateratzen dena, 2006ko urtarrilaren 31ko 16/2006 Dekretuko 138. artikuluan ezarritako baldintzetan.
 - g) Lortutako dirulaguntza edo kredituak.
 - h) Bere jardueran jaso dezakeen beste edozein.

60. ARTIKULUA

1. Federazioko sarrera guztiak, irabaziak barne eta, kirol agerraldi guztietan lorturiko sariez gain, merkataritza jarduera, jarduera profesional edo zerbitzuetatik lorturikoak ere, bere helburu sozialaren garapenera bideratuko dira osorik.
2. BIZKAIKO MENDIZALE FEDERAZIOko kideek, inongo baldintzapean, ezingo dituzte irabaziak euren artean banatu.

61. ARTIKULUA

BIZKAIKO MENDIZALE FEDERAZIOak ondasun higiezinak zergapetu edo besterendu egin ditzake, dirua har dezake maileguan eta zorraren edo ondare parte alikuotaren titulu ordezkatzailak jaulki ditzake, 2006ko urtarrilaren 31ko 16/2006 Dekretuko 138. artikuluan ezarritako kasuetan eta baldintzetan.

62. ARTIKULUA

1. BIZKAIKO MENDIZALE FEDERAZIOaren ekonomia, Ohiko Batzar Nagusian adostutako aurrekontuari bat etorriko zaio. Zuzendaritza Batzordeak urtero, aurrekontuen proiektua Batzar Nagusiari aurkeztuko dio honek onartu dezan.
2. Aurrekontuen proiektuak berdindu eta orekatuak izango dira. Gastuen onarpena eta ordainketen antolaketa, ofizioz edo Zuzendaritza Batzordeko kideek hala eskatuta lehendakariari dagokio, edo bestela zuzendaritza Batzordeari berari, bakoitzaren eskumenean arabera.
3. Gauzatzea, diruzainari dagokio.



4. Ekonomia-urtealdiko likidazioan soberan geratutakoa diru-sarrera gisa agertuko da hurrengo aurrekontuan.

63. ARTIKULUA

1. Zuzendaritza Batzordeak Ohiko Batzar Nagusiari balantzea aurkeztuko dio. Balantzeak, urteko egoera erreala erakutsi beharko du. Ekonomi urtea urtarrilaren 1ean hasi eta abenduaren 31ean bukatuko da.

2. Diruak, BIZKAIKO MENDIZALE FEDERAZIOaren izenean dagoen banku edo aurrezki kutxako kontu korrontean sartuko dira.

3. Gastu txikiei aurre egiteko kutxan eduki ahal izango da, Lehendakariak bere irizpide onenarekin adierazitako diru kantitatea..

64. ARTIKULUA

Aipatu kontuen kargu dauden fondoen erabilpena, Lehendakariaren edo honek delegaturiko pertsonaren eta diruzainaren sinadura bitartez baimendu beharko da, 33. artikuluko 2. ataleko inguruabarra gertatzen denean salbu.

65. ARTIKULUA

BIZKAIKO MENDIZALE FEDERAZIOa, Urtarrilaren 31ko 16/2006eko Dekretuko, 144. eta ondorengo artikuluetan jasotakoaren arabera, finantza zein kudeaketa ikuskaritzapean jarri beharko da.

VI. IZENBURUA: DOKUMENTAZIO ERREGIMENA

66. ARTIKULUA

1. BIZKAIKO MENDIZALE FEDERAZIOak ondoko liburuak edukiko ditu egunean:

- a) BIZKAIKO MENDIZALE FEDERAZIOari atxiki dauden Federazio Estamentuen liburua; non bere izendapen, egoitza soziala eta berau osatzen dutenen izen zein deiturak azalduko diren.
- b) BIZKAIKO MENDIZALE FEDERAZIOko akten liburua; non Batzar Nagusiak eta beste kide anitzeko organoak hartutako erabakiak jasoko diren.
- c) Kontabilitate liburua; non BIZKAIKO MENDIZALE FEDERAZIOko diru-sarrerak, gastuak eta aktibo zein pasiboak azalduko diren.
- d) Hala badagokio, zor tituluaren edo ondare parte alikuotaren erregistro liburua.

2. Liburu hauek era mekanizatuan eraman ahal izango dira eta Euskadiko Kirol Erakundearen Erregistroak aurreikusitakoaren arabera bideratuko dira.



VII. IZENBURUA: ESTAMENTUEN ALDAKETAK

67. ARTIKULUA

BIZKAIKO MENDIZALE FEDERAZIOko Estatutuak Batzar Nagusiak hartutako akordioen arabera soilik aldatu ahalko dira; bilera berezian, eman behar den aldaketa Gai Zerrendan aurrez sartuz eta, bertaraturakoen bi hereneko gehiengoz.

VIII. IZENBURUA: FEDERAZIOAREN DESAGERTZE ETA LIKIDAZIOA

68. ARTIKULUA

BIZKAIKO MENDIZALE FEDERAZIOa ondorengo kasuengatik desagertuko litzateke:

- a) Ezohiko Batzar Nagusiak hala erabakitzen duenean, bildutakoen bi herenen gehiengoaz.
- b) Horretarako erabaki judiziala ematen denean.
- c) Indarrean diren legeetan jasota dagoen beste edozein arrazoiengatik

69. ARTIKULUA

1. Behin desagertzea gertatuta, BIZKAIKO MENDIZALE FEDERAZIOko Lehendakaria buru izango duen eta idazkaria zein diruzaina bertan izango diren bost batzarkidez osatutako batzorde likidatzailearen bitartez bere ondarea likidatuko da.

2. Likidazioa amaitutakoan, likidatzaileek azken balantzea egingo dute. Balantzea Batzar Nagusian aurkeztuko da, bertan onetsia izan dadin. Balantzearen emaitza positiboa bada Bizkaiko Foru Aldundiko Kirol Zuzendaritzari bidaliko zaio, bertan, irabazi asmorik gabeko entitateen zerga erregimenari eta mezenasgoaren zerga pizgarriei buruzko 2004ko otsailaren 24eko 1/2004 Foru Arauko 5.5 artikuluan ezarritakoaren arabera, foru organo horrek mendizaletasuna sustatzera bidera dezan.

3. Azkenik, deuseztearen berri Euskadiko Kirol Erakundearen Erregistroari emango zaio, inskripzioan deuseztatu dezan.



XEDAPEN GEHIGARRIA

BIZKAIKO MENDIZALE FEDERAZIOaren hizkuntza ofizialak euskara eta gaztelania dira. Erabiltzeko eta pixkanaka-pixkanaka normalizatzeko behar diren neurriak hartuko dira.

BILBON, 2007ko otsailaren 1a

PRESIDENTEA

JESUS MUGUERZA INORIZA

IDAZKARIA

BELEN DOMINGUEZ HERNAEZ

OHARRA: Estatutuak onetsiak eta 2007.eko Uztailaren 12.an, BAO 137 zenbakian argitaratuak.